

Maasina - Agape Binndi - God's Love Letter Scriptures

Yuhanna 15:9 Hono no Baabiraado yidiri kam nii, miin duu hono non njidir-mi on.
Niibee e jilli am.

Esaaya 43:1,2 - Efeesunkoobe 2:10 Sabi Laamdo wadi en ko ngon-den jooni koo:
e ley habbagol men e lisaa Almasiihu o tagiri en faa ngollen golleeji lobbi di o
lanndinanii en gila arannde dii.

Yeremiya 1:5 - Galaatiyankoobe 1:15 Kaa Laamdo subike kam gila mi finaali,
noddii kam saabe moyfuki mum nde muuynoo ndee,

Yuhanna 15:16 Wanaa onon cubii kam, miin subii on so yamiri on njahon
ndimoyon bibbe, bibbe mon nduumoo, yalla Baabiraado ana hokka on huunde
fuu ko jaagori-don saabe am.

3 Yuhanna 1:2 Sakiike am korsudo, mido yeloo kebaa neema e cellal, no hakkille
maa deeyiri e Laamdo nii.

Esaaya 43:4 - 1 Piyeer 2:9,10 Kaa onon, on lejol cubaangol, on yottinoobe
sadaka gollanoobe Kaananke oo, on jaalejol ceniingol, on yimbe be Laamdo
subanii hoore mum, faa kaalon haala golleeji makko lobbi, kanko woni noddudo
on iwde e nimre faade e fooyre mum haayniinde! 10 Arannde on nganaano
yimbe Laamdo, kaa jooni on yimbe makko. On kebaalino yurmeende makko,
kaa jooni on kebii yurmeende makko.

Yeremiya 31:3 - Efeesunkoobe 1:4 Sabi fade aduna oo tageede, Laamdo subiima
en saabe Almasiihu, yalla eden laatoo seniibe be ngalaa feloore yeeso makko.

2 Timote 1:9 Kanko o hisinii en, o noddii en faa laato-den yimbe makko seniibe.
Wanaa saabe golle men o noddri en, ko o noddri en dee, saabe ko o anniyii
hisinde en koo e saabe hinnee makko mo o wayli e men oo kammari lisaa
Almasiihu gila e al'ajal.

Yuhanna 3:16 Sabi Laamdo bamii ana yida aduna oo faa hokkitiri Biyum bajjo,
yalla goondindo Bajjo oo fuu ana waasa naatude yiite, heba nguurndam
nduumiidam.

Hosee'a 11:8; Esaaya 49:15,16; & Esaaya 41:13,14

Luuka 12:32 Pati kulee, onon sewre famarde, sabi Baabiraado mon ana seyori
hokkude on Laamu oo.

Matta 28:20 njannginee be be njokka ko njamir-mi on koo fuu. Anndee, mido
wondi e moodon jannde fuu faa aduna timma.

Yuhanna 14:1 lisaa wii taalibaabe mum bee: --Pati imminee hakkille mon.
Ngoondinee Laamdo, ngoondinee kam.

Jabuura 23:1 - Yuhanna 10:11 Miin woni duroowo lobbo. Duroowo lobbo woni
dokkitiroowo yonki mum saabe baali mum.

Jabuura 23:2 - Banngingol 7:17 Sabi Njawdiri ngonndi e hakkunde bimmbeere
laamu ndii duran be, juurna be e cewle ndiyam ndokkoojam nguurndam.
Laamdo soccan gondi gite mabbe fuu.

Jabuura 23:3,4 - Luuka 1:79 yalla ana fooynana wonbe e nimre, fooynana wonbe
e kulol maayde, watta koyde men e laawol jam.

Jabuura 23:5,6 - 2 Korintunkoobe 1:10 Kanko danndi min e nden maayde, o danndan min kasen duu. E makko jaati min pawi jikke o danndan min kasen Filippiyankoobe 4:7 Nden, Laamdo hokkan on jam dadudo hakkille, niibinan berde mon e hakkillaaji mon e lisaa Almasiihu.

Tinndi 3:24 & Jabuura 4:8 - Yuhanna 14:27 Jam njoppidan-mi on, jam am ndokkan-mi on. Miin, mi hokkirtaa on no aduna oo hokkirta on nii. Pati imminee hakkille mon, pati kulee.

Jabuura 33:18 - 1 Piyeer 3:12 Sabi Joomiraado ana yeewa fooccitiibe bee, ana hettindoo duwaawuuji mum'en, kaa omo salanoo wadoobe ko boni bee."

Romankoobe 5:2 Kanko udditani en damal hinnee Laamdo mo ngon-den e mum jooni oo, dum laatorike saabe goondinal men ngal. Eden ceyoroo jikke hebude ngedu e annoora Laamdo.

Esaaya 55:12 - Luuka 19:40 O jaabii be, o wii: --Mido haalana on, so kambe be ndeyfii, kaaye dee ngattata wullude!

Yuhanna 16:22 Onon duu hono non cujlir-don jooni, kaa mi yiitan on kasen, on ceyoto, fay gooto waawaa bonnude seyo mon.

Luuka 12:9 Kaa calaniido kam hakkunde yimbe, salante yeeso malaa'ika'en Laamdo.

Matta 10:30 Onon, fay leebi ko'e mon fuu ko limaa.

Esaaya 54:10 - Matta 24:35 Kammu e leydi timman, kaa haalaaji am dii timmataa abada.

Matta 11:28-30 Onon yimbe tampube roondaade donnge teddude, on fuu ngaree e am, mi fowtinan on. 29 Dalee mi fawa tekkere am e dow mon, accon mi janngina on, sabi mido sawrii, mido leydinkinii, on tawan hen fowtere yonkiji moodon. 30 Sabi tekkere am ana yaafi roondaade, donngal am ana huyfi.

Yimre Suleymaana 2:10 & Hosee'a 2:14,19,20

2 Korintunkoobe 11:2 Mido joganii on kiram iwrudam to Laamdo jaati, sabi mi habbii dewgal mon e gorko gooto, dum woni Almasiihu. Mido yidi nabude on to makko no mboomri ceniindi nii.

Pergu 3:14 - Ibraninkoobe 13:8 lisaa Almasiihu waylitataako: no worrunoo keenen nii, worri hannde, non worrata faa abada duu.

Hosee'a 13:4 - Golle Nelaabe 4:12 Kisindam hebirtaake e goddo fey, innde wonnde duu walaa ley aduna oo fuu nde Laamdo hokki yimbe nde kaan-den hisinireede.

Yuhanna 15:14 Onon ngoni yibble am, so on ngollii ko njimir-mi on koo.

Yuhanna 14:6 lisaa jaabii mo: --Miin woni laawol ngol, miin woni goonga oo, miin woni nguurndam dam. So wanaa saabe am fay gooto waawaa yaade to Baabiraado.

Banngingol 3:20 Hettina, mido nii darii e damal mido salmina. Neddo fuu nando daande am so udditi, mi naatan galle mum, mi naamda e mum.